

14

NO. SOALAN: 7

PEMBERITAHUAN PERTANYAAN DEWAN RAKYAT

PERTANYAAN : **BUKAN LISAN**
DARIPADA : **YB Datuk Abdul Rahim Bin Bakri [Kudat]**
TARIKH :
SOALAN : **7**

YB Datuk Abdul Rahim Bin Bakri [Kudat] minta **PERDANA MENTERI** Apakah penyelesaian jangka panjang yang akan diambil oleh Kementerian ke atas penempatan setinggan di Daerah Kudat? Apakah akan ada penempatan dan penyusunan semula perumahan setinggan ini agar lebih teratur dan selamat.

**JAWAPAN : YB DATO` SERI DR. SHAHIDAN BIN KASSIM
MENTERI DI JABATAN PERDANA MENTERI**

Tuan Yang DiPertua

Bagi menjawab pertanyaan Yang Berhormat dari Kudat yang bertanya tentang perancangan jangka panjang kerajaan bagi menyelesaikan masalah setinggan di Daerah Kudat yang merupakan salah sebuah daerah, dalam Kawasan Zon Selamat Timur Sabah (ESS Zone), bahawa Kerajaan Negeri Sabah melalui pejabat Daerah Kudat dan Jabatan Perancang Bandar Negeri Sabah telah membangunkan tanah seluas 175 hektar di daerah ini bagi tujuan menyediakan tapak rumah berukuran 50 kaki persegi setiap satu untuk menempatkan seramai 2,000 ketua keluarga daripada empat (4) buah perkampungan setinggan di daerah ini iaitu kampung Tanjung Kapur, Pantai Bahagia, Kampung Muhibbah dan Pantai Muhibbah.

Pemindahan penduduk akan dilaksanakan secara berperingkat mengikut keutamaan. Bagi fasa pertama, sejumlah 195 keluarga mangsa kebakaran dari Kampung Tanjung Kapur dan 80 ketua keluarga daripada Pantai Bahagia telah di tempatkan di kawasan ini pada penghujung tahun lalu. Pemindahan seterusnya akan dilaksanakan pada tahun ini sehingga selesai. Adalah menjadi harapan kerajaan agar pembukaan penempatan baru ini dapat menyelesaikan masalah setinggan sepenuhnya di daerah ini sekaligus membantu membangunkan kehidupan rakyat melalui penyediaan berbagai kemudahan asas dan prasarana yang diperlukan oleh rakyat.